

**Ed.**

## **8. Frumvarp til laga**

[8. mál]

um breyting á lögum nr. 63 31. maí 1968, um tollskrá o. fl.

(Lagt fyrir Alþingi á 89. löggjafarþingi, 1968.)

### **1. gr.**

Á tollskránni í 1. gr. eru gerðar þessar breytingar:

1. Á 2. kafla:  
Athugasemd c við kaflann orðist svo:  
c. Dýrafeiti, þó ekki vörur, sem teljast til nr. 02.05 (15. kafla).
2. Á 3. kafla:
  - a. Í stað orðsins „Athugasemdir“ í byrjun kaflans komi:  
Athugasemd.
  - b. Athugasemd 1b við kaflann orðist svo:
    - b. Fiskur (þar með talin brogn og lifur), krabbadýr og lindýr, dauft, óhæft til manneldis vegna uppruna síns eða ástands (5. kafla), eða
  - c. Athugasemd 2 við kaflann falli niður.
3. Á 4. kafla:  
Athugasemd 2 við kaflann orðist svo:
  2. Mjólk og rjómi í loftþéttum dósnum telst niðursoðin mjólk og rjómi og heyrir þannig til nr. 04.02. Hins vegar telst mjólk og rjómi, sem aðeins hefur verið pasteuriserað, dauðhreinsað eða peptoniserað, ekki niðursoðið, nema vörurnar hafi verið lagðar niður í loftþéttar dósir.
4. Á 5. kafla:  
Nr. 05.07 orðist svo:  
05.07 Hamir og aðrir hlutar af fuglum með áföstum fjöðrum eða dún, fjaðrir og hlutar af fjöðrum (hvort heldur jaðrarnir hafa verið jafnaðir eða ekki) og dúnn, óunnið eða ekki frekar unnið en hreinsað, sótthreinsað eða frágengið til geymslu; duft, fjaðraúrgangur eða hlutar af fjöðrum.
5. Á 8. kafla:  
Nr. 08.11 orðist svo:  
08.11 Ávextir niðurlagðir til geymslu um stundarsakir (t. d. með brennisteins-díoxýdgasi, saltlegi, brennisteinssýrtingi eða annari niðurlagningarupplausn), en í þessu ástandi óhæfir til neyzlu þegar í stað.
6. Á 13. kafla:  
Nr. 13.03 orðist svo:  
13.03 Jurtasafar og ekstraktar úr jurtaríkinu; pektínefni, pektínöt og pektöt; agar-agar og önnur plöntuslím og hleypiefni unnin úr efnunum úr jurtaríkinu.
7. Á 15. kafla:  
Nr. 15.12 orðist svo:  
15.12 Feiti og olía úr jurta- eða dýraríkinu, vetnað að nokkru eða öllu leyti, eða gerð föst eða hert með öðrum hætti, en ekki frekar unnin.

8. Á 17. kafla:  
Athugasemd 1 b við kaflann orðist svo:  
b. Kemískt hreinn sykur, nema sykroísi, glúkósi og laktósi (nr. 29.43); eða
9. Á 25. kafla:  
a. Athugasemd 2 h við kaflann orðist svo:  
h. Rit- og teiknikrit; klæðskera- og billardkrit (nr. 98.05).  
b. Nr. 25.13 orðist svo:  
25.13 Vikursteinn (pimpsteinn); smergill; náttúrlegt kórund, náttúrlegt granat og önnur náttúrleg slípiefni, einnig hitameðfarin.  
c. Nr. 25.17 orðist svo:  
25.17 Smásteinar og mulinn og brotinn steinn (einnig hitameðfarið), mulningur, asfalthúðaður mulningur og önnur mól, sem venjulega er notuð í steinsteypu, til veगा- eða járnbrautarlagningar o. þ. h.; tinna og fjörmól, einnig hitameðfarið; korn og spænir (einnig hitameðfarið) og duft þeirra steintegunda, sem teljast til nr. 25.15 eða 25.16.  
d. Nr. 25.32 orðist svo:  
25.32 Náttúrlegt strontíumkarbónat (einnig brennt), þó ekki strontíumoxyd; jarðefni, ót. a.; brotin leirvara.
10. Á 26. kafla:  
Athugasemd 2 við kaflann orðist svo:  
2. Orðið málmgrýti í nr. 26.01 tekur til jarðefna, sem notuð eru í málmíðnaði til vinnslu á kvikasilfri eða málmum þeim, sem teljast til nr. 28.50 eða til XIV. eða XV. flokks, einnig þótt þau séu í einstökum tilvikum ætluð til annars. Nr. 26.01 tekur hins vegar ekki til jarðefna, sem hafa sætt meðferð, sem ekki getur talizt venjuleg í málmíðnaði.
11. a. Á 27. kafla:  
Athugasemd 1 a við kaflann orðist svo:  
a. Aðgreind kemískt skýrgreind lífræn cfnasambönd, önnur en hreint metan, sem telst til nr. 27.11; eða  
b. Í stað orðanna „Sem jarðolía eða skifuolía“ í upphafi athugasemdar 3 við kaflann komi: Sem jarðolía og olíur fengnar úr tjörukenndum steinefnum.  
c. Í stað orðanna „tjara framleidd úr blöndu af biki . . .“ í nr. 27.06 og texta númerisins þar á eftir komi: tjara framleidd úr blöndu af biki ásamt kreósólíu eða ásamt annarri olíu framleiddri úr koltjöru með eimingu.  
d. Nr. 27.09 orðist svo:  
27.09 Jarðolíur og olíur fengnar úr tjörukenndum steinefnum, óhreinsaðar.  
e. Nr. 27.10 orðist svo:  
27.10 Jarðolíur og olíur fengnar úr tjörukenndum steinefnum, hreinsaðar; vörur ótaldar annars staðar, sem í er minnst 70% af jarðolíum eða olíum fengnum úr tjörukenndum steinefnum miðað við þunga, enda séu þessar olíur einkennandi fyrir vörurnar.  
f. Nr. 27.14 orðist svo:  
27.14 Jarðolíubítúmen, jarðolíukoks og önnur úrgangsefni frá jarðolíum eða olíum fengnum úr tjörukenndum steinefnum.
12. Á 28. kafla:  
a. Athugasemd 2 við kaflann orðist svo:  
Auk díthionita (hydrósúlfit), sem haldið er í óbreyttu ástandi með lífrænum efnum, og súlfooxylata (nr. 28.36), karbónata og perkarbónata ólífrænna basa (nr. 28.42), einfaldra og komplexra cyanída ólífrænna basa (nr. 28.43), fúlminata, cyanata og tíócyanata ólífrænna basa (nr. 28.44), lífrænna efna, sem teljast til nr. 28.49—28.52 og karbíða málmleysingja og málma (nr. 28.56), teljast einungis eftirtalin kolefnasambönd til þessa kafla:  
a. Oxyd kolefnis, blásýra, fúlmin-, ísócyan-, tíócyan- og aðrar einfaldar eða komplexar cyanósýrur (nr. 28.13);

- b. Oxyhalógenid kolefnis (nr. 28.14);
- c. Disúlfid kolefnis (nr. 28.15);
- d. Tiokarbónöt, selenókarbónöt, tellúrkarbónöt, selencyanöt, tellúrócyanöt, tetratíocyandíamínókrómöt og önnur komplex cyanöt lífrænna basa (nr. 28.48);
- e. Fast vatnsefnisperoxyd (nr. 28.54), kolefnisoxysúlfid, tíokarbónylhalógenid, cyanógen — halógenid og cyanamid og málmderívatar þeirra (nr. 28.58) aðrir en kalsíumcyanamid, sem inniheldur ekki meira en 25% af köfnunarfni miðað við þunga, og þurrt anhydrid (31. kafli).
- b. Í athugasemd 5 við kaflann komi ný málsgrein svo hljóðandi:  
Nema annað leiði af orðalagi einstakra tollskrárnúmera, teljast tvöföld sölt og kompleksölt til nr. 28.48.
- c. Nr. 28.05 orðist svo:  
28.05 Alkali-, jarðalkali- og sjaldgæfir jarðalkalímálmur; yttríum og scandíum; kvikasilfur.
- d. Nr. 28.15 orðist svo:  
28.15 Súlfid málmleysingja; fosfórtrísúlfid.
- e. Í stað orðsins „upplausn“ í lok nr. 28.16 komi: vatnsupplausn.
- f. Nr. 28.27 orðist svo:  
28.27 Blýoxyd; blýmenja og gul menja.
- g. Nr. 28.28 orðist svo:  
28.28 Hýdrasín og hydroxylamín og ólífræn sölt þeirra, aðrir ólífrænir basar og málmoxýd, hydroxyd og peroxyd.
- h. Orðin „þar með talin“ í nr. 28.35 falli niður.
- i. Orðin „þar með talin“ og svíginn í nr. 28.42 falli niður.
- j. Nr. 28.44 orðist svo:  
28.44 Fúlminöt, cyanöt og tiocyanöt.
- k. Nr. 28.45 orðist svo:  
28.45 Síliköt, venjulegt natríum- og kalíumsílikat.
- l. Nr. 28.52 orðist svo:  
28.52 Ólífræn eða lífræn sambönd thóríums, úraníums, sem breytt hefur verið í U 235, sjaldgæfra jarðalkalímálma, yttríums eða scandíums, einnig þótt þeim sé blandað saman.
- m. Nr. 28.53 orðist svo:  
28.53 Fljótandi andrúmsloft (einnig þótt eðalgösin hafi verið fjarlægð), samþjappað andrúmsloft.
- n. Nr. 28.54 orðist svo:  
28.54 Vatnsefnisperoxyd (þar með talið fast vatnsefnisperoxyd).
- o. Nr. 28.58 orðist svo:  
28.58 Önnur ólífræn sambönd (þar með talið eimað vatn, vatn til mælingar á rafmagnsmótstöðu og vatn af áþekktum hreinleika); amalgöm önnur en amalgöm góðmálma.
- 13. Á 29. kafla:
  - a. Athugasemd 1 b við kaflann orðist svo:
    - b. Blöndur af tveimur eða fleirum jafnhlutaefnum (ísomers) hins sama lífræna sambands (einnig þótt séu blönduð óhreinindum), þó ekki blöndur af ísómerum acyklískra karbonhydrída (nema stereóísómerum), jafnt mettuð sem ómettuð (27. kafli).
  - b. Athugasemd 1 c við kaflann orðist svo:  
Vörutegundir, sem teljast til nr. 29.38—29.42, að báðum númerum meðtöldum, eða sykureter og sykurester og sölt þeirra, sem teljast til nr. 29.43, eða vörutegundir, sem teljast til nr. 29.44, einnig þótt þær séu ekki kemískt skýrgreindar.
  - c. Athugasemd 2 c við kaflann orðist svo:
    - c. Metan (nr. 27.11).

- d. Athugasemd 5 b við kaflann orðist svo:
- b. Esterar myndaðir úr etanóli eða glyceróli með sýrueinkennandi lífrænum samböndum, sem teljast til undirkaflanna I—VII, flokkast í sama toll-skrárnúmer og viðkomandi sambönd með sýrueinkennum.
  - e. Aftan við orðin „innri etera“ í 1. línu athugasemdar 7 við kaflann bætist: innri hemi-acetala, og aftan við orðin „anhydrída marggildra sýrna“ í 4. línu bætist: hringliða estera af margliðuðu alkóhóli með marggildum sýrum.
  - f. Nr. 29.24 orðist svo:  
29.24 Kvaterner ammóníumsölt og hydroxyd; lesítín og önnur fosfóramínó-lípíd.
  - g. Nr. 29.35 orðist svo:  
29.35 Mishringliða (heterócyclisk) sambönd; núkleínsýrur.
  - h. Nr. 29.37 orðist svo:  
29.37 Súltón og súltóm.
  - i. Nr. 29.38 orðist svo:  
29.38 Próvítamín og vítamín, náttúrleg eða tilbúin (þar með talin náttúrleg konsentröt), derivatar þeirra notaðir aðallega sem vítamín, og blöndur þessara efna, einnig í upplausn.
  - j. Nr. 29.39 orðist svo:  
29.39 Hormón, náttúrleg eða tilbúin, og derivatar þeirra, notaðir aðallega sem hormón.
14. Á 30. kafla:
- a. Aftan við orðin „í mældum skömmtum“ í athugasemd 1 b við kaflann komi: eða mótuð.
  - b. Orðin (þó ekki hlaupkenndir (collodial) góðmálmur) í athugasemd 1 A 2 við kaflann falli niður.
15. Á 31. kafla:  
Í stað „16“ í athugasemd 1 A 1 við kaflann komi: 16.3.
16. Á 32. kafla:  
Athugasemd 1 b við kaflann orðist svo:
- a. b. Tannöt og aðrir tanninderivatar þeirra efna, sem teljast til nr. 29.38—29.42, 29.44 eða 35.01—35.04.
  - b. Í stað orðsins „Málmduft“ í athugasemd 6 b komi: Málmur.
  - c. Orðið „önnur“ í 2. línu í nr. 32.09 falli niður.
17. Á 34. kafla:
- a. Í stað orðanna „eða skífuolíur“ í athugasemd 3 við kaflann komi: eða tjöru-kenndum efnum.
  - b. Nr. 34.03 orðist svo:  
34.03 Smurefni og efnablöndur notaðar við olíu- og fitumeðferð vefnaðar, leðurs eða annara efna, þó ekki efnablöndur, sem innihalda 70% eða meira, miðað við þunga, af olíum unnum úr jarðolíu eða olíum unnum úr tjörukenndum efnum.
18. Á 35. kafla:  
Nr. 35.05 orðist svo:  
35.05 Dextrín og dextrínklístur; uppleysanleg eða brennd sterkja; sterkju-klístur.
19. Á 36. kafla:  
Í stað orðanna „annað svipað eldsneyti“ í athugasemd 2 a við kaflann komi: annað svipað tilbúið eldsneyti.
20. Á 37. kafla:  
Nr. 37.01 orðist svo:  
37.01 Ljósæmar plötur og blaðfilmur, ólýstar, úr hvers konar öðru efni en pappír, pappa eða vefnaði.

21. Á 39. kafla:  
Athugasemd 2 c við kaflann orðist svo:  
c. Rósól, fljótandi polyisóbútylen og áþekkt tilbúin efni framleidd með pólýmerisation eða pólýkondensation.
22. Á 40. kafla:  
a. Athugasemd 2 a við kaflann orðist svo:  
a. Þrjónavoð og heklvoð eða vörur úr þeim, teygjanlegur vefnaður eða vefnaður með innsettu eða innofnu gúmmíi (annað en flutnings-, færi- eða lyftibönd eða belti, úr gúmmíkenndu þrjónuðu eða hekludu efni, sem telst til nr. 40.10); aðrar teygjanlegar spunavoðir eða vörur úr þeim.
- b. Athugasemd 2 b við kaflann orðist svo:  
b. Slöngur úr spunaefnum og áþekkar leiðslur úr spunaefni með gúmmíþynnu að utan- eða innanverðu (nr. 59.15).
- c. Úr athugasemd 2 c við kaflann fari: nr. 40.06 og
- d. Athugasemd 2 e við kaflann orðist svo:  
e. Trefjadúkur, gegndreyptur eða þakinn með gúmmíi, eða með gúmmí sem bindiefni, hver sem þyngdin er á hvern fermeter, og vörur úr honum.
- e. Síðasta málsgreinin í athugasemd 2 orðist svo:  
Plötur, þynnur og ræmur úr blásnu gúmmíi, frauðgúmmíi eða svampgúmmíi, í tengslum við spunaefni, og vörur úr þeim, skulu þó teljast til 40. kafla, ef spunaefnið er aðeins notað til styrktar.
- f. Í stað orðanna „teygja við 15° til 20° C hita“ í 5. og 6. línu athugasemdar 4 a við kaflann komi: mynda ósveigjanleg efni, sem við 15° til 20° C hita má teygja, og aftan við orðin „upphafleg lengd“ í 8. línu sömu athugasemdar bætist: sín.
- g. Athugasemd 5 við kaflann orðist svo:  
5. Til nr. 40.01 og 40.02 telst ekki:  
a. Náttúrlegt og tilbúið gúmmílatex (þar með talið forvulkaníserað gúmmílatex) blandað vulkaniseringsefnum eða hvetjandi efnum, fylliefnum eða styrktarefnum, mýkingarefnum, litarefni (þó ekki litarefni, sem aðeins er bætt við til auðkenningar) eða öðrum efnum; þó telst latex, sem aðeins hefur verið stöðgert eða innsoðið, og latex, sem er viðkvæmt fyrir hita, og elektrópositívt latex, til nr. 40.01 eða 40.02, hvort sem við á.  
b. Gúmmí, sem hefur verið blandað sóti (einnig með viðbót af jarðolíu) eða kísilsýru (einnig með viðbót af jarðolíu) á undan útfellingu eða hvers konar efni eftir útfellingu.  
c. Blöndur þeirra efna, sem tilgreind eru í athugasemd 1 við þennan kafla, einnig með viðbót annarra efna.
- h. Athugasemd 8 við kaflann orðist svo:  
8. Í nr. 40.06 telst forvulkaníseruð gúmmíkvoða (latex) vera óvulkaníseruð gúmmíkvoða (latex).  
Í nr. 40.07—40.14 skal balata, gúttaperka og áþekkt náttúrleg teygjanleg efni, og faktis unnið úr olíu, og slík efni endurunnin úr þessum vörutegundum, teljast vulkaníserað gúmmí, einnig þótt þær hafi ekki verið vulkaníseraðar.
- i. Nr. 40.01 orðist svo:  
40.01 Náttúrlegt gúmmílatex, einnig blandað tilbúnu gúmmílatexi; forvulkaníserað náttúrlegt gúmmílatex; náttúrlegt gúmmí, balata, gúttaperka og áþekkt náttúrleg teygjanleg efni.
- j. Nr. 40.02 orðist svo:  
40.02 Tilbúið gervilalex; forvulkaníserað gervilalex; gervigúmmí; faktis unnið úr olíum.

- k. Nr. 40.04 orðist svo:  
40.04 Úrgangur og afklippur af toggúmmii; slitnar vörur úr toggúmmii, sem aðeins eru hæfar til endurvinnslu á gúmmii; duft unnið úr úrgangi eða slitnum vörum úr toggúmmii.
  - l. Nr. 40.05 orðist svo:  
40.05 Plötur, þynnur og bönd úr óvulkaniseruðu náttúrlegu gúmmii eða gervigúmmii, þó ekki reyktar þynnur eða krepþynnur, sem teljast til nr. nr. 40.01 eða 40.02; korn úr óvulkaniseruðu náttúrlegu gúmmii eða gervigúmmii tilbúið til vulkaniseringar; óvulkaniserað náttúrlegt gúmmii eða gervigúmmii, sem fyrir eða eftir útfellingu hefur annað hvort verið blandað sóti (með eða án viðbótar af jarðolíu) eða kísilsýru (með eða án viðbótar af jarðolíu) í þess konar lögum, sem þekkt er undir heitinu „masterbatch“.
  - m. Nr. 40.06 orðist svo:  
40.06 Óvulkaniserað náttúrlegt gúmmii eða gervigúmmii þar með talin gúmmi-kvoða (latex) annars konar lögunar eða í öðru ástandi (t. d. stengur, pípur og snið — prófilar —, upplausnir og jafnblöndur); vörur úr óvulkaniseruðu náttúrlegu gúmmii eða gervigúmmii (t. d. húðað eða gegndreypt spunaefni; hringir og skifur).
23. Á fyrirsögn VIII. flokks:  
Í stað „handtöskur o. þ. h.“ í fyrirsögninni komi: handtöskur og áþekk ílát.
24. Á 41. kafla:
- a. Athugasemd 1 c við kaflann orðist svo:
    - c. Húðir eða skinn með hárum, óunnin, sútuð eða unnin (43. kafli).  
Til nr. 41.01 teljast þó óunnar húðir eða skinn, með hárum, af nautpeningi (þar með taldir vísundar), af hestum og öðrum dýrum af hestaættinni, sauðfé og lömbum (þó ekki persían, astrakan, karakúl og áþekk lambskinn, og skinn af indverskum, kínverskum, mongólskum og tibetskum geitum og kiðlingum), svinum (þar með moskussvín), hreindýrum, gemsum, gazellum, rákýrum, elgum, krónhjörtum og af hundum.
  - b. Nr. 41.08 orðist svo:  
41.08 Lakkleður og gervilakkleður; málmþakið leður.
25. Á 42. kafla:
- a. Í stað „handtöskur o. þ. h.“ í fyrirsögn 42. kafla komi: handtöskur og áþekk ílát.
  - b. Nr. 42.02 orðist svo:  
42.02 Ferðabúnaður (t. d. ferðaskrínur, fataskrínur, hattöskjur, ferðatöskur, bakpokar), innkaupatöskur, handtöskur, skólatöskur, skjalatöskur, veski, pyngjur, snyrtiskrín, verkfæraskrín, tóbakspungar, slíður, skrín, öskjur (fyrir vopn, hljóðfæri, sjónauka, skartgripí, flöskur, hálsbúnað, skófátnað, bursta) og áþekk ílát, úr leðri, leðurlíki, vulkanfiber, plastplötum, plastþynnum, pappa eða vefjarefnum.
  - c. Aftan við orðin „Vörur úr þörmum“ í nr. 42.06 komi innan sviga: (þó ekki silkiormaspuna).
26. Á 43. kafla:  
Aftan við orðin „loðskinnshlutar og afklippur“ í nr. 43.02 komi: sútað eða unnið.
27. Á 44. kafla:
- a. Nr. 44.14 orðist svo:  
44.14 Viður sagaður, skorinn eða flagaður eftir endilöngu, en ekki frekar unninn og ekki yfir 5 mm að þykkt; spónaþynnur og þynnur í krossvið, ekki yfir 5 mm að þykkt.

- b. Nr. 44.15 orðist svo:  
44.15 Krossviður og aðrar áþekkar límdar trjávörur (þar með talinn spónlagður trjáviður og aðrar límdar plötur); innlagður viður (með áteiknuðu eða máluðu mynstri).
28. Á 48. kafla:  
Nr. 48.08 orðist svo:  
48.08 Siublokkir, þynnur og plötur úr pappírsmassa.
29. Á athugasemdum við XI. flokk:  
a. Upphafið á athugasemd 2 A við flokkinn orðist svo:  
2. A. Vörur, sem geta talizt til einhvers númers í 50.—57. kafla og eru úr tveimur eða fleiri trefjarefnum, flokkast samkvæmt eftirgreindum reglum:  
b. Athugasemd 3 A c 1 við flokkinn orðist svo:  
1. Pólarað eða fágað, þegar lengdin á kílógramm, margfölduð með tölu þráðanna, er minni en 7.000 metrar.  
c. Upphafið á athugasemd 6 b við flokkinn orðist svo:  
b. Vörur fullofnar og saumaðar og tilbúnar til notkunar.
30. Á 58. kafla:  
Fyrri málsliður athugasemdar 2 við kaflann orðist svo:  
Nr. 58.01 og nr. 58.02 taka auk gólfteppa (þar með taldir gólfreglar og mottur) einnig til annarra áþekkra vara, enda þótt þær séu ætlaðar til annarrar notkunar.
31. Á 59. kafla:  
a. Athugasemd 3 við kaflann orðist svo:  
3. Með spunavörum gegndreyptum, húðuðum eða límdum saman með gúmmíi í nr. 59.11 er átt við:  
a. Spunavörur gegndreyptar, húðaðar eða límdar saman með gúmmíi:  
1. að þunga ekki yfir  $1\frac{1}{2}$  kg/m<sup>2</sup>, eða  
2. að þunga yfir  $1\frac{1}{2}$  kg/m<sup>2</sup>, þegar magn spunatrefjanna er yfir 50% af þunga vörunnar.  
b. Efni úr samhliðalögðu garni líndu saman með gúmmíi, hver sem þungi þess er á fermeter, og  
c. Plötur, þynnur og ræmur úr blásnu gúmmíi, frauðgúmmíi eða svampgúmmíi í sambandi við spunavöru, þó ekki þær vörur, sem teljast til 40. kafla, sbr. síðustu málsgrein athugasemdar 2 við 40. kafla.  
b. Nr. 59.03 orðist svo:  
59.03 Trefjadúkur, önnur sams konar trefjaefni, og vörur úr slíkum efnum, einnig gegndreypt eða húðuð.  
c. Í stað orðanna „og annar vefnaður til hattagerðar eða svipaðra nota“ í lok nr. 59.07 komi: og aðrar áþekkar vörur til hattagerðar eða svipaðra nota.
32. Á 64. kafla:  
Í stað orðanna „(nema úr flóka)“ í athugasemd 1 a við kaflann komi: (nema úr flóka eða trefjadúk).
33. Á 69. kafla:  
Eftirgreindur nýr liður, b-liður, skal koma í athugasemd 2 við 69. kafla og skulu núverandi bókstafstákn á hinum liðunum breytast úr b—g í c—j:  
b. „Cermets“, sem telst til 81.04.
34. Á 73. kafla:  
a. Í stað orðanna „þykkt mest 125 mm“ í fyrri málslið athugasemdar 1 n við kaflann komi: af hvaða þykkt sem er.  
b. Í athugasemd 1 p við kaflann komi ný málsgrein svo hljóðandi:  
Skýrgreiningin tekur einnig til steypustyrktarjárns, sem — að slepptum minniháttar raufum, brúnum og annarri missmiði framkominni við völsunina — svarar til ofangreindrar skýrgreiningar.

- c. Nr. 73.16 orðist svo:
- 73.16 Eftirgreindar vörur til lagningar á járnbrautum og sporvagnabrautum: Teinabrautir, öryggisteinar, skiptiteinar, tengispor, skiptistykki, trjónustengur, tannhjólalateinar, brautarbitar, tengispangir, teinafestingar, festingafleygar, undirstöðuplötur, teinagrip, teinastengur, festiplötur og annað efni sérstaklega ætlað til lagningar járnbrauta og smíði þeirra.
- d. Nr. 73.37 orðist svo:
- 73.37 Katlar (þó ekki gufukatlar, sem teljast til nr. 84.01) og miðstöðvarofnar, ekki rafmagnshitaðir, og hlutar til þeirra, úr járni eða stáli; loft-hitarar og lofthitadreifarar (þar með slíkir, sem geta dreift köldu eða fersku lofti), ekki rafmagnshitaðir, með innbyggðri hreyfilknúinni víftu eða blásara, og hlutar til þeirra, úr járni eða stáli:
- |    |   |     |
|----|---|-----|
| 01 | Miðstöðvarkatlar og hlutar til þeirra .....   | 35% |
| 02 | Miðstöðvarofnar og hlutar til þeirra, þar með talin ofnrif ....   | 35% |
| 03 | Hálfunnir miðstöðvarofnar og hálfunnin ofnrif, eftir nánari skýrgreiningu og ákvörðun fjármálaráðuneytisins ..... | 15% |
| 09 | Annað .....   | 35% |
35. Á 74. kafla:  
Í stað orðanna „(þó ekki einangraðir rafmagnsstrengir)“ í lok nr. 74.10 komi: (þó ekki einangraðar raftaugar og rafstrengir).
36. Á 76. kafla:  
a. Í stað „0.15“ í athugasemd 1 c við kaflann komi: 0.20.  
b. Í stað „0.15 mm“ í nr. 76.04 komi: 0.20 mm.  
c. Í stað orðanna „þó ekki einangraðir rafmagnsstrengir“ í nr. 76.12 komi: þó ekki einangraðar raftaugar og rafstrengir.
37. Á 81. kafla:  
a. Á eftir orðinu „úraníum“ í fyrri málslið athugasemdarinnar við kaflann komi: breytt í U 235.  
b. Á eftir síðari málslið athugasemdarinnar við kaflann komi: og „cermets“.  
c. Á eftir „cermets“ í nr. 81.04 komi: óunnið og unnið, og vörur úr því.
38. Á 82. kafla:  
Athugasemd 1 b orðist svo:  
b. Málmkarbíd.
39. Á athugasemdum við XVI. flokk:  
a. Athugasemd 1 a við flokkinn orðist svo:  
a. Vélareimar, færi- eða lyftubönd eða reimar úr plasti, sem telst til 39. kafla, eða úr vúlkaniseruðu gúmmí (nr. 40.10); eða aðrar vörur úr tog-gúmmí til tækninota, t. d. undirlagsskífur (nr. 40.14).  
b. Athugasemd 1 g við flokkinn orðist svo:  
g. Hlutar til almennra nota, eins og þeir eru skýrgreindir í athugasemd 2 við XV. flokk, úr ódýrum málmum (XV. flokkur), eða áþekkar vörur úr plasti (sem yfirleitt teljast til nr. 39.07).  
c. Athugasemd 1 n við flokkinn orðist svo:  
n. Skiptiverkfæri, er teljast til nr. 82.05, og burstar, sem eru hlutar af vélum og teljast til nr. 96.02. Áþekk skiptiverkfæri flokkast eftir efninu í þeim hluta tækisins, sem afköst þess velta á (t. d. í 40., 42., 43., 45. eða 59. kafla, eða nr. 68.04 eða 69.09); eða
40. Á 84. kafla:  
a. Í stað orðanna „ávallt til einhvers af fyrrnefndum númerum, en eigi til hinna síðar nefndu“ í athugasemd 2 við kaflann komi: eftir því, sem við á, til einhvers af nr. 84.01—84.21.  
b. Nr. 84.07 orðist svo:  
84.07 Vatnsafísvélar og hreyflar (þar með talin vatnshjól og vatnshverflar).  
c. Aftan við orðið „graftrar“ í nr. 84.23 komi: uppfyllingar.



41. Á 85. kafla:
- a. Aftan við orðin „og/eða útvarpstæki“ í nr. 85.15.11 komi: og/eða segulbandstæki.
  - b. Aftan við orðin „einnig með innbyggðum grannmófón“ í nr. 85.15.21 komi: og/eða segulbandstæki.
  - c. Orðin „sjálfvirkir spennustillar, byggðir á viðnámi, spani eða hreyfilknúnir með tifandi snertum“ í nr. 85.19 falli niður.
  - d. Í stað orðanna „kristaltviskautar, kristalþrískautar og aðrir kristallokar“ í nr. 85.21 komi: innbyggðir kristallokar (transitorar) og áþekkir innbyggðir hlutar af hálfleiðurum.
42. Á athugasemdum við XVII. flokk:
- Athugasemd 2 b við flokkinn orðist svo:
- b. Hlutar til almennra nota, eins og þeir eru skýrgreindir í athugasemd 2 við XV. flokk, úr ódýrum málmum (XV. flokkur), eða áþekkar vörur úr plasti (sem yfirleitt teljast til nr. 39.07).
43. Á 86. kafla:
- Nr. 86.02 orðist svo:
- 86.02 Rafknúnir dráttarvagnar fyrir járnbrautarlestir, knúnir af rafhlöðu eða utanaðkomandi raforku.
44. Á 87. kafla:
- Á eftir orðinu „snjóplógar“ í nr. 87.03 komi: götuhreinsibifreiðar.
45. Fyrirsögnin á XVIII. flokki orðist svo:
- Optísk-, ljósmynda-, kvikmynda-, mæli-, prófunar-, nákvæmni-, skurðlækna- og lækninga-tæki og áhöld: Úr og klukkur; hljóðfæri; hljóðupptöku- og hljóðflutningstæki; segulmögnuð mynda- og hljóðupptökutæki og mynda- og hljóðflutningstæki fyrir sjónvarp; hlutar til þeirra.
46. Á 90. kafla:
- a. Á eftir „til nr. 70.07“ í athugasemd 1 d við kaflann bætist: nr. 70.11.
  - b. Athugasemd 1 e við kaflann orðist svo:
    - e. Hlutar til almennra nota, eins og þeir eru skýrgreindir í athugasemd 2 við XV. flokk, úr ódýrum málmum (XV. flokkur), eða áþekkar vörur úr plasti (sem yfirleitt teljast til nr. 39.07).
  - c. Aftan við athugasemd 6 c við kaflann komi nýr undirliður d.
    - d. Sjálfvirkir stillar fyrir rafmagnsstærðir, og tæki eða áhöld til sjálfvirkrar stjórnunar á stærðum, sem ekki eru rafmagnsstærðir, og byggist rekstur þeirra á rafmagnsfyrirbæri, sem er breytilegt eftir því hvað það er, sem þau eiga að stjórna.
47. Á 91. kafla:
- Athugasemd 3 við kaflann orðist svo:
3. Til þessa kafla teljast ekki hlutar til almennra nota, eins og þeir eru skýrgreindir í athugasemd 2 við XV. flokk, úr ódýrum málmum (XV. flokkur), eða áþekkar vörur úr plasti (sem yfirleitt teljast til nr. 39.07). Kaflinn tekur ekki heldur til lóða, úra- eða klukkuglerja, úrfesta eða úrarmbanda, hluta til rafbúnaðar, kúlulega eða kúlna í þær. Fjaðrir í klukkur og úr flokkast sem hlutar til úra og klukkna (nr. 91.11).
48. Á 92. kafla:
- a. Fyrirsögn kaflans orðist svo:
 

Hljóðfæri, hljóðupptöku- og hljóðflutningstæki; segulmögnuð mynda- og hljóðupptökutæki og mynda- og hljóðflutningstæki fyrir sjónvarp; hlutar og fylgitæki til þessara tækja.
  - b. Athugasemd 1 b við kaflann orðist svo:
    - b. Hlutar til almennra nota, eins og þeir eru skýrgreindir í athugasemd 2 við XV. flokk, úr ódýrum málmum (XV. flokkur), eða áþekkar vörur úr plasti (sem yfirleitt teljast til nr. 39.07).

- c. Nr. 92.11 orðist svo:
- 92.11 Grammófónar, hljóðritarar og önnur hljóðupptöku- og hljóðflutnings-tæki, þar með taldir plötu- og segulbandsspilarar, með eða án hljóðhöfuðs; tæki fyrir segulupptöku og segulendurskil á hljóði og myndum fyrir sjónvarpsstarfsemi:
- |  |     |
|--|-----|
| 01 Grammófónar og plötuspilarar .....  | 75% |
| 02 Tæki fyrir segulupptöku og segulendurskil á hljóði og myndum fyrir sjónvarpsstarfsemi ..... | 35% |
| 09 Annað .....   | 75% |
- d. Nr. 92.12 orðist svo:
- 92.12 Grammófónplötur og aðrar hljóðupptökur; mót til framleiðslu á grammófónplötum; óskornar grammófónplötur tilbúnar til hljóðupptöku, filmur til vélrænnar hljóðupptöku, virðisráður, ræmur og annað þess háttar af því tagi, sem almennt er notað til hljóðupptöku eða áþekkrar upptöku.
- e. Nr. 92.13 orðist svo:
- 92.13 Aðrir hlutar og fylgiáhöld til tækja, sem teljast til nr. 92.11.
49. Á 93. kafla:
- Athugasemd 1 b við kaflann orðist svo:
- b. Hlutar til almennra nota, eins og þeir eru skýrgreindir í athugasemd 2 við XV. flokk, úr ódýrum málmum (XV. flokkur), eða áþekkar vörur úr plasti (sem yfirleitt teljast til nr. 39.07).
50. Á 94. kafla:
- a. Athugasemd 1 e við kaflann orðist svo:
- e. Hlutar til almennra nota eins og þeir eru skýrgreindir í athugasemd 2 við XV. flokk, úr ódýrum málmum (XV. flokkur), eða áþekkar vörur úr plasti (sem yfirleitt teljast til nr. 39.07); enn fremur peningaskápar, er teljast til nr. 83.03.
- b. Nr. 94.04 orðist svo:
- 94.04 Rúmbotnar; rúmfatnaður eða áþekkur húsbúnaður, með fjöðrum eða bólstraður eða hið innra úr hvers konar efni, eða úr útpöndu frauð- eða svampgúmmí, eða úr útpöndu frauð- eða svampplasti, einnig með yfirklæði (t. d. dýnur, stungnar ábreiður, sængur, æðardúnssængur, sessur, púðar og koddar).
51. Á 97. kafla:
- Athugasemd 1 k við kaflann orðist svo:
- k. Hlutar til almennra nota, eins og þeir eru skýrgreindir í athugasemd 2 við XV. flokk, úr ódýrum málmum (XV. flokkur), eða áþekkar vörur úr plasti (sem yfirleitt teljast til nr. 39.07).
52. Á 98 kafla:
- a. Athugasemd 1 c við kaflann orðist svo:
- c. Hlutar til almennra nota, eins og þeir eru skýrgreindir í athugasemd 2 við XV. flokk úr ódýrum málmum (XV. kafla), eða áþekkar vörur úr plasti (sem yfirleitt teljast til nr. 39.07).
- b. Nr. 98.07 orðist svo:
- 98.07 Dagsetningar-, innsiglis- og tölusetningarstimplar (þar með talin tæki til prentunar eða áletrunar á vörumiða), ætlað til notkunar í höndunum; letur og leturhaldarar til handstimplunar.
- c. Í stað orðanna „og fatahluta“ í nr. 98.13 komi: eða fatahluta.

## 2. gr.

Á 3. gr. eru gerðar þessar breytingar:

1. Aftan við orðin „til númera í 13,“ í 33. lið 3. gr. komi: 17.,

2. Aftan við 33. lið 3. gr. komi ný málsgrein, svo hljóðandi:

Þá skal ráðuneytinu heimilt að ákveða, að tollar af eftirtöldum vörum, sem breytast við gildistöku laga þessara, skuli vera þeir sömu og áður: Fast vatns-efnisdíoxýd, plötur, þynnur og ræmur úr blásnu gúmmí, frauðgúmmí eða svampgúmmí, í tengslum við spunaefni, skófatnaður úr trefjadúk, án viðfests sóla, og alúmíníumplötur af þykktinni 0.15 mm að 0.20 mm.

3. gr.

Í A-lið, um tollverð og verðtollun, í II. kapitula laganna breytast greinar þannig:

1. 5. gr. orðist svo:

Tollverð (tollreikningsverð) verðtollsskyldrar vöru er eðlisverð (normalverð) hennar, og er með því átt við það verð, sem myndi fást fyrir vöruna á frjálsum markaði í viðskiptum kaupanda og seljanda, sem eru hvorir öðrum óháðir, á þeim tíma, sem varan er tekin til tollmeðferðar.

Við ákvörðun eðlisverðs skal við það miðað,

- a. að varan sé afhent kaupanda á innflutningsstað í innflutningslandinu,
- b. að seljandi beri allan kostnað, gjöld og önnur útgjöld við sölu og flutning vörunnar til innflutningsstaðar og afhendingu hennar þar, en
- c. kaupandi greiði alla tolla og önnur gjöld, sem falla á vöruna í innflutningslandinu.

Innflutningsstaður vöru telst sá staður, þar sem hún er affermd úr farartæki, sem flutti hana til landsins.

2. 6. gr. orðist svo:

Kostnaður sá, gjöld og önnur útgjöld, sem greind eru í b-lið 2. málsgreinar þessarar greinar, skulu innifalin í eðlisverði, og telst þar til m. a.:

1. Flutningsgjald og annar flutningskostnaður.
2. Vátrygging.
3. Umsýsluþóknun.
4. Miðlaraþóknun.
5. Kostnaður, gjöld og önnur útgjöld við að gefa út utan innflutningslandsins skjöl, sem nauðsynleg eru við flutning vöru þangað, þar með talin gjöld til ræðismanna.
6. Tollar og önnur gjöld, sem falla á vöru utan innflutningslandsins, að frá-dregnum endurgreiðsluupphæðum.
7. Umbúðakostnaður, vinnulaun og annar kostnaður við umbúðir.
8. Fermingarkostnaður.

Ef vara er send lengra en til fyrstu tollhafnar, er hægt hefði verið að afferma hana á, má draga frá flutningsgjaldsauka þann og sendingarkostnað, sem sá framhaldsflutningur hefur valdið, ef gerð er fullnægjandi grein fyrir þeim kostnaðarauka. Þá skal og heimilt með sama skilyrði að draga frá þann hluta flutningsgjalds, sem greiddur er vegna slæmrar aðstöðu við affermingu, eða vegna þess, að farartæki affermir á fleiri stöðum en einum, ef gerð er fullnægjandi grein fyrir þeim kostnaðarauka.

Sé vara vernduð með einkaleyfi eða mynsturvernduð, eða hún er flutt hingað með erlendu vörumerki eða í því skyni að seljast hér með slíku vörumerki, skal eðlisverðið taka til verðmætis réttarins til að nota einkaleyfið, mynstrið eða vörumerkið.

3. 7. gr. orðist svo:

Við sölu á frjálsum markaði milli kaupanda og seljanda, sem eru óháðir hvorir öðrum, skal við það miðað,

- a. að verðið sé eina endurgjaldið fyrir vöruna,
- b. að það hafi ekki áhrif á verðið, að sérstakt samband, fjárhagslegt, viðskiptalegt eða einhvers annars eðlis, hvort heldur er samkvæmt samningi eða á einhvern annan hátt, sé á milli seljanda eða einhvers aðila í viðskiptalegum tengslum við hann, annars vegar, og kaupanda eða einhvers aðila í viðskiptalegum tengslum við hann, hins vegar, og
- c. að enginn hluti þess arðs, sem hefur orðið til við síðari endursölu, notkun eða ráðstöfun vörunnar, falli í hlut seljanda, beint eða óbeint, eða til nokkurs annars aðila, sem stendur í viðskiptalegu sambandi við hann.

Um viðskiptalegt samband tveggja aðila er að ræða, beint eða óbeint, ef

- a. annar þeirra hefur einhverra hagsmuna að gæta í sambandi við viðskiptarekstur eða eignir hins, eða
- b. báðir hafa sameiginlegra hagsmuna að gæta í sambandi við einhvern annan viðskiptarekstur eða eignir, eða
- c. einhver þriðji aðili hefur hagsmuna að gæta í sambandi við viðskiptarekstur eða eignir þeirra beggja.

Þegar um kaup á vöru er að ræða, skal yfirleitt leggja hið umsamda kaupverð til grundvallar, þó með þeim leiðréttingum, sem kunna að vera nauðsynlegar til þess að færa vöruna til réttis eðlis- og tollverðs samkvæmt lögum þessum.

Við leiðréttingu á verði má, þegar sérstaklega stendur á, t. d. þegar vara er flutt inn af dótturfyrirtæki eða útibúi, hafa hliðsjón af því verði, sem innflytjandi fær fyrir hana í endursölu.

Því aðeins skal leiðrétta tollverð vegna verðbreytinga á vörum, sem keyptar eru til landsins, að lengri tími en 6 mánuðir líði frá því, að kaup eru gerð og þar til vörunar eru teknar til tollmeðferðar.

#### 4. 8. gr. orðist svo:

Fjármálaráðuneytinu er heimilt að setja nánari ákvæði um ákvörðun eðlis- og tollverðs, m. a. að ákveða hvers konar afsláttur skuli undanþeginn tolli, hvað sé eðlilegt flutningsgjald í eðlis- og tollverði og aðrir eðlilegir kostnaðarliðir í þeim verðum.

#### 4. gr.

Á 16. gr. er gerð þessi breyting:

Síðari málslíður 12. liðs orðist svo:

Þá skal vera í aðflutningsskýrslu eftirgreind yfirlýsing viðtakanda, eða sams konar yfirlýsing vera skráð af honum á framlagðan vörureikning, þar sem hann lýsir því yfir, að viðlagðri ábyrgð að lögum, sbr. 38. gr. þessara laga,

að framlagður vörureikningur og önnur framlögð skjöl séu rétt,

að hið tilgreinda tollverð í skýrslunni sé í samræmi við ákvæði 5.—7. gr. þessara laga,

að öll sölu- og viðtökuskilyrði séu tilgreind í vörureikningnum og/eða skýrslunni,

að frá tollverðinu í skýrslunni hafi ekki verið og sé ekki dreginn afsláttur eða önnur verðlækkun, sem ekki komi greinilega fram í vörureikningnum og/eða skýrslunni,

að hann viti ekki til þess, að hið tilgreinda söluverð á vörureikningnum sé undir markaðsverði erlendis á þeim stað og tíma, sem kaup voru gerð.

Í stað þess eða jafnframt því að tollflokkun vara, umreikningsverð erlendarar myntar, tollverð og aðflutningsgjöld séu tilgreind í framlagðri aðflutningsskýrslu, má setja fyrirmæli um það, að þessi atriði skuli vera skráð á framlagðan vörureikning.

#### 5. gr.

Á 19. gr. eru gerðar þessar breytingar:

#### 1. Aftan við 2. tölulið 2. málgr. 19. gr. bætist:

Enn fremur hvaða dag sending er afhent til flutnings áleiðis til Íslands og með hvaða farartæki.

2. 12. liður 19. gr. orðist svo:  
12. Yfirlýsing seljanda um það,  
að aðeins einn vörureikningur sé gefinn út yfir allar þær vörur, sem séu í sendingu með tilgreindu farartæki,  
að vörurnar séu tilgreindar með því verði, sem þær séu seldar fyrir, og að hann viti ekki til þess, að hið tilgreinda verð sé lægra en markaðsverðið á sams konar vörum eða vörum af svipuðu tagi til útflutnings á þeim stað og tíma, sem kaup voru gerð. Sé markaðsverðið lægra, skal einnig tilgreina það á reikningnum.
3. Síðari málsliður 4. málsgr. 19. gr. orðist svo:  
Sem verðmæti skal tilgreina markaðsverðið á sams konar vörum eða vörum af svipuðu tagi til útflutnings á þeim stað og tíma, sem sendingin er send til Íslands, og hafi vara ekki verið til sölu eða að öðru leyti á markaði, skal tilgreina framleiðsluverð hennar eða áætlað notagildi, ásamt áætlaðri hæfilegri álagningu.

6. gr.

Á 25. gr. er gerð þessi breyting:  
Í stað orðanna „undir almennu tollverði“ í fyrri málsgr. 25. gr. komi: undir eðlilegu verði.

7. gr.

Á 34. gr. er gerð þessi breyting:  
Á eftir 1. málsgr. 34. gr. og framhaldi af þeirri málsgr. komi nýr málsliður, svo hljóðandi:  
Enn fremur skal fjármálaráðherra eiga fullnaðarúrskurð um það, hvað teljast skuli eðlis- og tollverð vöru, markaðsverð hennar, eðlilegt flutningsgjald eða annar eðlilegur kostnaður, sem fellur á vöru.

8. gr.

Á 38. gr. er gerð þessi breyting:  
Í stað orðanna „Hver sem lætur tollyfirvaldi í té aðflutningsskýrslu, sbr. 15. gr.“ í upphafi 38. gr. komi: Hver, sem lætur tollyfirvaldi eða tollstofnun í té aðflutningsskýrslu eða vörureikning með áritaðri yfirlýsingu og öðrum upplýsingum, sbr. 15. og 16. gr.

9. gr.

Lög þessi öðlast þegar gildi.  
Þá er lög þessi hafa öðlzt gildi, skal fella meginmál þeirra inn í lög nr. 63, 31. maí 1968, um tollskrá o. fl., svo og önnur þau lög um breyting á þeim lögum og þessum, sem í gildi kunna að vera 1. janúar 1968, og gefa svo út tollskrárlögin í heild þannig samfelld.

Athugasemdir við lagafrumvarp þetta.

I. Almennar athugasemdir.

1.

Frumvarp þetta er fyrst og fremst borið fram til þess að samræma íslenzku tollskrána þeim breytingum, sem gerðar hafa verið á Brüsseltollskránni frá því árið 1959, en eins og kunnugt er, er íslenska tollskráin gerð eftir tollskrárfyrirmynd Tollsamvinnuráðsins í Brüssel, hinni svo nefndu Brüsseltollskrá, eins og hún var árið 1959, en upphaflega Brüsseltollskráin er frá 1950 og samþykktin um hana frá sama tíma. Hafa nú meira en 93 þjóðir í öllum heimsálfum sniðið tollskrá sína eftir Brüsseltollskránni, en þær hafa ekki allar staðfest samþykktina.

Eins og sagt var er íslenska tollskráin gerð eftir Brüsseltollskránni eins og hún var árið 1959, en eftir það hafa verið samþykktar á henni 13 breytingaskrár, nr. 4—16, án þess að íslenzku tollskránni hafi verið breytt í samræmi við þær. Höfum

við þannig dregið aftur úr og því ekki fyllilega notið þess hagræðis, sem því er samfara, að hafa sama tollskrárform og allar helztu viðskiptaþjóðir okkar. Til þess að bæta úr þessu og til þess að færa íslensku tollskrána til samræmis við gildandi Brüsseltollskrá er því frumvarp þetta flutt. Eftirleiðis verður svo stefnt að því að breyta íslensku tollskránni jafnóðum þannig, að ekki komi til misræmis við aðrar þjóðir, sem nota sömu fyrirmynd. Þá er samræming aðkallandi nú, þegar við höfum nú gerzt fullgildir aðilar að Gattsamkomulaginu, en allar aðildarþjóðir þess í Evrópu hafa hjá sér tollskrár í samræmi við Brüsseltollskrá og Gattsamþykktir eru gerðar í samræmi við hana. Þá mun samræmi við Brüsseltollskrá verða nauðsynlegt, ef við gerumst aðilar að EFTA.

Í 1. gr. frumvarpsins eru teknar upp í íslensku tollskrána allar þær breytingar, sem eru í hinum fyrrnefndum 13 breytingarskrám á Brüsseltollskránni. En eins og þessar breytingar bera með sér, og skýrt er frá síðar hér á eftir í greinargerðinni fyrir einstökum breytingum, valda Brüsseltollskrárbreytingarnar ekki eins miklum breytingum á tollflokkun vara og tollum eins og ætla mætti og eins og breytingarnar eru margar. Stafar þetta af því, að tolltaxtar íslensku tollskrárinnar eru ekki eins margvíslegir og víðast hvar annars staðar og sömu tolltaxtar eru hér fyrir skyldar vörur og fyrir vörur innan sama flokks og kafla. Þó að vörur færast þannig milli flokka, kafla og númera, breytist ekki tollurinn af þeim eða þá aðeins óverulega, eins og nú skal greint frá.

A. Samkvæmt eftirgreindum liðum frumvarpsins færast þar taldar vörur milli tollskrárnúmera án þess að tollurinn breytist á þeim. Með öðrum orðum það er og verður sami tollurinn samkvæmt númerinu, sem varan fer úr og á því, sem hún fer í.

- a. Hreint metan fer úr nr. 29.01.20 í nr. 27.11.09. 35% tollur samkvæmt báðum númerunum.
- b. Tíócyanat úr nr. 28.43.00 í nr. 28.44.00. 35% tollur í báðum.
- c. Límbönd með undirlagi úr óvulkaniseruðu gúmmi úr nr. 40.06.00 í nr. 40.05.09. 35% tollur í báðum.
- d. Vörur til hattagerðar, þaktar gúmmilimi, sterkjuklístri og öðru þess háttar, úr 65.07.00 í nr. 59.07.09. 40% tollur í báðum.
- e. Lofthitadreifarar úr járn og stáli úr nr. 84.12.00 í nr. 73.37.09. 35% tollur í báðum.
- f. Segulupptöku- og segulflutningstæki fyrir sjónvarpsstarfsemi úr nr. 85.15.32 í nr. 92.11.02. 35% tollur í báðum númerunum eftir breytinguna á seinna númerinu.
- g. Sjálfvirkir spennustillar úr nr. 85.19.00 í nr. 90.28.09. 35% tollur í báðum.

B. Í eftirgreindum liðum frumvarpsins breytast þó tollar:

- a. Tollur á föstu vatnsefnisdíoxýði er 50% samkvæmt nr. 38.19.19, en verður 35% samkvæmt nr. 28.54.00.
- b. Við lögfestingu á 22. lið e í frumvarpinu getur breyttur tollur á plötum, þynnum og ræmum úr blásnu gúmmi, frauðgúmmi eða svampgúmmi, í tengslum við spunaefni, þannig, að þessar vörur komi í nr. 59.11.09 með 40% tolli í stað nr. 40.08.09 með 35% tolli. Fer þetta eftir því, hvort spunaefnið í vörunni er aðeins til styrktar eða hefur aðra og frekari þýðingu.
- c. Skófatnaður úr trefjadúk, án viðfests sóla, telst eftir breytinguna til nr. 64.04.00 með 65% tolli í stað 80% samkvæmt nr. 62.05.09.
- d. Við lögfestingu á 32. lið frumvarpsins breytast tollar af alúminíumþynnum með þykktinni 0.15 mm að 0.20 mm þannig, að þær fara úr nr. 76.05.00 með 5% tolli í 35% toll samkvæmt nr. 76.06.09.

Ef það kemur í ljós, að þessar 4 breytingar hafa einhver teljandi áhrif, er ráðuneytinu gefin heimild í 2. gr. frumvarpsins til þess að ákveða, að tollarnir verði þeir sömu og áður. Að öðru leyti hefur frumvarpið ekki tollbreytingar í för með sér.

## 2.

Þann 15. desember 1950 eða sama dag og undirrituð var í Brüssel samþykktin um sameiginlega tollskrárfyrirmynd, sem gerð var að undirlagi Sameinuðu þjóðanna, var einnig undirrituð samþykkt sú um verðákvörðun vara við tollútreikning, sem fylgir með frumvarpinu sem fylgiskjal I. Voru báðar samþykktirnar undirritaðar 15. desember 1950 af hálfu 13 Evrópuþjóða, einnig af hálfu Íslands. Höfðu þessar þjóðir fylgzt með samningu beggja samþykktanna. Nú hafa að minnsta kosti 19 þjóðir staðfest verðákvörðunarsamþykktina, en fleiri tekið í tollög sín reglur verðskýrgreiningarinnar, sem samþykktin er byggð á og fylgir henni sem óaðskiljanlegur hluti, sbr. 3. gr. samþykktarinnar. Danir tóku verðskýrgreininguna, Brüssel-verðskýrgreininguna svonefndu, upp í tollög sín árið 1959 um leið og þeir samræmdu tollskrá sína Brüsseltollskránni. Norðmenn tóku aftur á móti ekki verðskýrgreininguna upp í tollskrárlög sín fyrr en 1963, en það dróst þangað til vegna þess, að um það leyti, sem þeir endurskoðuðu tollskrárlög sín í samræmi við Brüsseltollskrána og árin þar á eftir, voru uppi ráðagerðir um Tollabandalag Norðurlanda, og var í því sambandi áformað, að Brüsselskýrgreiningin kæmi þar með. En þessi frestur Norðmanna, sem við vissum ekki ástæðuna fyrir þegar tollskrárlögin voru í endursamningu 1961—1963, olli því, að hún var þá ekki nema að hluta tekin inn í tollskrárlögin og þá aðeins til skýringar á því, hvað væri almennt heildsöluverð. En nú þegar við höfum gerzt fullgildir aðilar að Gattsamkomulaginu — en samþykktir samkvæmt því eru gerðar í samræmi við Brüsselsamþykktir — verður það ekki dregið lengur að taka Brüsselskýrgreininguna að öllu leyti upp í íslensku tollskrárlögin, og er 3. gr. frumvarpsins um það.

Eins og fyrr greinir fylgir samþykktin um verðákvörðun vara við tollútreikning frumvarpinu sem fylgiskjal I við það, ásamt verðskýrgreiningunni sjálfri, fylgiskjal I við samþykktina, athugasemdum við hana, fylgiskjal II við samþykktina, og bókun, fylgiskjal III við samþykktina, en þetta fylgiskjal snertir ekki okkur og eru þess vegna engin ákvæði úr því.

Þó að ákvæði Brüsselskýrgreiningarinnar séu tekin inn í tollskrárlögin, breytist ekki niðurstaðan varðandi tollverð varanna. Það verður eftir sem áður verð varanna á innflutningsstað hér á landi. En það, sem breytist, eru reglurnar um uppbyggingu tollverðsins.

Samkvæmt núgildandi ákvæðum er tollverðið verð vöru í útflutningslandinu, að viðbættum sendingarkostnaði og öðrum kostnaði, sem fellur á vöruna unz hún kemur í íslenska höfn, sbr. 5. gr. tollskrárlaganna. Eftir Brüsselskýrgreiningunni verður tollverðið það verð, sem myndi fást fyrir hana á frjálsum markaði á þeim tíma, sem vara fer til tollmeðferðar, og verður eins og áður miðað við innflutningsstað hér á landi eða cif-skilmála. Hinar einstöku greinar frumvarpsins, sem eru teknar eftir 1. og 2. gr. verðskýrgreiningarinnar og athugasemdarinnar við hana, fela svo í sér nánari útfærslu á eðlisverðinu eða normalverðinu, en það orð er notað við skýrgreininguna á tollverði (tollútreikningsverði). Um ákvæði frumvarpsgreinanna um tollverðið og um einstök atriði í því sambandi er rætt síðar hér á eftir við hverja frumvarpsgrein.

Ákvæði annarra greina frumvarpsins en nú hafa verið rakin eru aðallega gerð vegna framangreindra 2ja breytinga, og er gerð grein fyrir hverri þeirra hér á eftir.

## II. Um einstakar greinar.

### Um 1. gr.

Gerð er grein fyrir hverri einstakri breytingu og tekur hver töluliður til þeirra flokka og kafla, þar sem ætlazt er til að breyting verði, en stafliðir töluliðanna taka til athugasemdarákvæða flokka og kafla og til tollskrárnúmera, sem ætlazt er til að breytist.





- e. Svarar til nógildandi athugasemdar 2 d við kaflann, en vöruheitum bætt við í sama tilgangi og nefndur er í d-lið hér næst á undan. Eftir breytinguna telst þó fast vatnsefnisperoxyd, eins og annað vatnsefnisperoxyd, til nr. 28.54.00 með 35% tolli, en nú telst það til nr. 38.19.19 með 50% tolli. Hér er um svo óverulegan innflutning að ræða, að lækkunin á ekki að skipta máli fyrir tolltekjur af tollskrárnúmerinu, en sanngjarnt er að sú vara sé í sama tolli og annað vatnsefnisperoxyd.
  - b. Nánari skýring í athugasemd 5 við 28. kafla á flokkun tvöfaldrá salta og kompleksalta.
  - c. og d. Ný uppsetning á númerunum 28.05 og 28.15.
  - f. Blýmenju og gulri menju, sem báðar teljast nú til nr. 28.27, bætt við upptalninguna í nr. 28.27.
  - g., h. og i. Nýjar uppsetningar á nr. 28.28, 28.35 og 28.42.
  - j. Tíócyanöt flutt úr 28.43 í nr. 28.44. Sami tollur í báðum númerunum.
  - k. Uppsetningunni í nr. 28.45 breytt þannig, að í stað „venjulegt natrium-kalíumsílikat“ kemur: verzlunarvörunar natrium- og kalíumsíliköt.
  - l, m, n og o. Nýjar uppsetningar og vörunafngreiningar í nr. 28.52, 28.53, 28.54 og 28.58. Í 12 e hér að framan var talað um breytinguna í nr. 28.54 varðandi fast vatnsefnisperoxyd.
- Um 13.
- a. Með athugasemd 1 b við 29. kafla eru mörkin gagnvart 27. kafla gerð gleggri.
  - b. Skýrari framsetning á athugasemd 1 c við 29. kafla.
  - c. Sjá umsögn um 11 a hér að framan.
  - d. Framsetningin á athugasemd 5 b við 29. kafla gerð nákvæmari. Sykurerestar og sölt þeirra teljast eftir sem áður til 39.43.00.
  - e. Nánari takmörkun á nr. 29.35. Hemiacetöl teljast eftir sem áður til nr. 29.10.
  - f og g. Ný uppsetning á nr. 29.24 og 29.35.
  - h. Frágangi breytt á nr. 29.37.
  - i. og j. Breytt orðalag í nr. 29.38 og 29.39.
- Um 14. Orðaskipti í athugasemdum 1 b og 1 A 2 við 30. kafla. Hlaupkenndir góðmálmar teljast eftir sem áður til nr. 28.49.
- Um 15. Töluviðmiðun í athugasemd 1 A 1 við 31. kafla breytt úr 16% í 16.3%.
- Um 16. Orðalagsbreytingar í athugasemd 1 b við 32. kafla til nánari glöggvunar. Proteínsýrur af sítunarsýrum teljast eftir sem áður til nr. 35.01—35.04. Hinar breytingarnar tvær (b og c) skýra sig sjálfar.
- Um 17. Bæði í athugasemd 3 við 34. kafla og í nr. 34.03 kemur olía unnin úr tjörukenndum efnunum í stað skífuólín. Þá er uppsetning í nr. 34.03 lagfærð.
- Um 18.—21. Breytingar á orðalagi í nr. 35.05, athugasemd 2 a við 36. kafla, nr. 37.01 og athugasemd 2 c við 39. kafla.
- Um 22.
- a. og b. Nýtt orðalag á athugasemd 2 a og b við 40. kafla.
  - c. Nr. 40.06 á að falla niður úr athugasemd 2 c við 40. kafla vegna breytingar á því númeri. Varðandi þá breytingu vísast til m-liðar hér á eftir.
  - d. og e. Breytt orðalag á tveimur ákvæðum í athugasemd 2 við 40. kafla. Af seinni breytingunni getur leitt, að einstaka vara, sem nú telst til nr. 48.08.02 með 50% tolli, teljist eftir breytinguna til nr. 59.11.09 með 40% tolli. Þetta getur varla skipt máli vegna hins litla tollmunar.
  - f. Orðalagsbreyting í athugasemd 4 a við 40. kafla.
  - g. Uppsetningu breytt og aukið við skýringum á nr. 40.01 og 40.02.
  - h. Uppsetningu á athugasemd 8 við kaflann breytt.
  - i., j. og k. Nr. 40.01, 40.02 og 40.04 orðuð um og gerð skýrari.

- l. Nr. 40.05 breytt í samræmi við fyrr umrædda breytingu á athugasemd 8 við kaflann.
- m. Sú breyting er gerð á nr. 40.06, að límbönd með hvers konar undirlagi úr efni, sem í er óvulkaniserað gúmmí, eru felld úr númerinu, en eftir breytinguna koma þessi bönd úr óvulkaniseruðu náttúrlegu gúmmíi eða gervigúmmíi í nr. 40.05.09 með 35% tolli eða sama tolli og er á þeim samkvæmt 40.06.00.
- Um 23. Í stað „handtöskur o. þ. h.“ í fyrirsögninni á VIII. flokki kemur: handtöskur og önnur áþekkt ílát.
- Um 24. a. Ný uppsetning á athugasemd 1 c við 41. kafla.  
b. Gervilakkleðri bætt við í nr. 41.08. Telst nú til þess númeris samkvæmt 5. skýringarreglu í 2. málsgr. 1. gr. tollskrárlaganna.
- Um 25. a. Sama breyting á fyrirsögn 42. kafla og gerð var á fyrirsögninni á VIII. flokki, sbr. umsögn um 23. lið hér á undan.  
b. Ný uppsetning á nr. 42.02.  
c. Silkiormaspuna bætt við í nr. 42.06 til leiðbeiningar.
- Um 26. Viðbótarskýring á nr. 43.02.
- Um 27. Ný uppsetning á nr. 44.14 og 44.15.
- Um 28. Þynnur og plötur úr pappírsmassa eru nú taldar til nr. 48.08, enda blokkirnar samsettar ýmist af þynnum eða blokkum. Eðlileg útfærsla á númerinu.
- Um 29. a. Nýtt orðalag á upphafinu á athugasemd 2 A við XI. flokk.  
b. og c. Nánari skýringar á athugasemdunum 3 c 1 og 6 c við XI. flokk.
- Um 30. Nýtt orðalag á athugasemd 2 við 58. kafla.
- Um 31. a. Nýtt orðalag á athugasemd 3 við 59. kafla.  
b. Sams konar trefjaefni og trefjadúkur eru nú talin til nr. 59.03 og því ekki um að ræða breytingu, sem skiptir máli um flokkun eða tolla.  
c. Í stað „vefnaður“ í lok nr. 59.07 kemur: vörur. Reynslan sker úr því, hvort þessi breyting hefur áhrif á tollflokkun, en í Danmörku og Noregi hefur slíkt ekki komið fram.
- Um 32. Þessi breyting á athugasemd 1 a við 64. kafla leiðir til þess, að skófatnaður úr trefjadúk, án viðfests sóla, telst eftir breytinguna til nr. 64.04.00 með 65% tolli í stað 80% samkvæmt nr. 62.05.09. Ef einhver innflutningur verður á trefjaskófatnaði án sóla, verður hann sjálfsagt svo óverulegur, að þessi tolllækkun á ekki að geta skipt máli.
- Um 33. Viðbótin í athugasemd 2 við 69. kafla um „Cermets“ eðlileg, þar eð „cermets“ er bæði úr leir og málm. „Cermets“ telst til nr. 81.04.
- Um 34. a. Það felst í breytingunni á athugasemd n við 73. kafla, að þykktarmarkinu, sem nú er tiltekið 125 mm, er sleppt, og á því athugasemdin eftir breytinguna einnig við 73.13.10 og 73.13.20.  
b. Nánari skýring á athugasemd 1 p við 73. kafla.  
c. Ný uppsetning á upptalningunni í nr. 73.16.  
d. Ný uppsetning á vöruliðnum 73.37 og bætt við lofthitadreifurum með innbyggðri hreyfillknúinni viftu eða blásara, og hlutum til þeirra. Þessi lofthitadreifarar teljast nú til nr. 84.12.00 með 35% tolli og eftir breytinguna teljast þeir til nr. 73.37.09 með sama tolli, svo að hér verður engin tollbreyting.

Í 1. gr. nýlögfesta laga nr. 3/1968, um breytingu á tollskrárlögum, var nr. 73.37.02 breytt þannig, að felld voru niður orðin „og hlutar til þeirra (þar með talin ofnrif (element))“. Um leið kom inn nýtt undirnúmer 03 eða nánar tiltekið 73.37.03: Hlutar til miðstöðvarofna (þar með talin ofnrif (element)), og með 15% eða lægri tolli en samkvæmt hinum númerunum. Ætlunin var, að undirliðurinn 03, sem tekinn var inn til styrktar innlendum iðnaði, tæki aðeins til hálfunninna miðstöðvarofna og hálfunninna ofnriða. Báðir undirliðirnir eru því orðaðir

- að nýju og í samræmi við það, sem fyrirhugað var, og að fjármálaráðuneytið kveði nánar á um skýrgreiningu og framkvæmd nr. 73.37.03.
- Um 35. Í undantekninguna er bætt við: raftaugar, og „rafmagnsstrengir“ er breytt í rafstrengir (kaplar) í samræmi við nafngreiningu vöru þessarar í nr. 85.23, þar sem einangraðar rafmagsleiðslur eru.
- Um 36. a. og b. Í athugasemd 1 c við 76. kafla og í nr. 76.04 er „0.15 mm“ þykktarmarki á alúminíumþynnnum breytt í „0.20 mm“. Þessi millistærð á alúminíumplötum frá 0.15 mm að 0.20 mm kemur nú í nr. 76.03 með aðeins 5% tolli samkvæmt nýlögfestri tollskrárbreytingu frá 17. febrúar s. l., nr. 3/1968, en tollurinn samkvæmt nr. 76.03 var áður 15%. Miðað við þennan toll og tollinn á millistærðinni, 35%, eins og hann verður á henni eftir breytingu samkvæmt nr. 76.04.09, hækkar tollurinn á henni um 20%, en ekki þykir ástæða til að lækka tollinn aðeins fyrir þessa millistærð. Efni í heftur á mjólkurflöskur er ekki af þessari stærð.
- c. Hér er um að ræða sams konar breytingu á nr. 76.12 og getið er um varðandi nr. 74.10 í 35. lið hér á undan.
- Um 37 og 38. Um að ræða lagfæringar varðandi úraníum í athugasemdiinni við 81. kafla, varðandi „cermets“ í sömu athugasemd á nr. 81.04 og á málmkarbíð í athugasemd 1 b við 82. kafla.
- Um 39. Orðalag lagfært og gert skýrara í athugasemdunum 1 a, 1 g og 1 n við XVI. flokk.
- Um 40. a og b. Orðalag gert skýrara í athugasemd 2 við 84. kafla og í nr. 84.07.
- c. Í nr. 84.23 er bætt við: (til) uppfyllingar. Kemur það fyrir enska orðið „tamping“, sem bætt er við númerið í Brüsseltollskránni. Uppfyllingataeki geta nú komið undir orðin „til annars þess háttar“, sem eru fyrir í númerinu.
- Um 41. a og b. Í nr. 85.15.11 og nr. 85.15.21 bætist: og/eða segulbandstæki. Leiðir af ákvæðum athugasemdar 1 c við 92. kafla.
- c. Vörur felldar niður úr nr. 85.19 og koma eftir niðurfellinguna í nr. 90.28.09 með sama tolli.
- d. Orðalagsbreyting á nr. 85.21. Transistorar og aðrir áþekkir hálfleiðarar teljast eftir sem áður til tollskrárnúmersins, en gerð þessarra tækja útheimtir það, að þau séu innbyggð.
- Um 42, 46b, 47, 48b, 49, 50a, 51 og 52a. Hér er um að ræða samhljóða athugasemd við XVII. flokk og 90.—94. og 97.—98. kafla, og er athugasemdin um það, að hlutar til almennra nota og áþekkar vörur úr plasti teljist ekki til nefnds XVII. flokks eða 7 nefndra flokka, heldur til XV. flokks, ef vörurnar eru úr ódýrum málmmum, eða yfirleitt til nr. 39.07, ef þær eru úr plasti. Þá eru nokkrar fleiri vörur teknar undan 91. og 94. kafla.
- Um 43. Orðalagsbreyting á nr. 86.02. Í stað „án eigin afls“ kemur: knúnir rafhlöðu eða utanaðkomandi raforku.
- Um 44. Í nr. 87.03 er bætt við orðinu: götuhreinsibifreiðar. „Road sweeper lorries“ í Brüsseltollskrá. Breytingin skiptir ekki máli um tollflokkun eða toll, þar eð nefndar bifreiðar geta nú talizt til orðanna „bifreiðar til sérstakrar notkunar“, sem eru fyrir í númerinu.
- Um 45. Hér er breytt fyrirsögninni á XVIII. flokki. Í stað „hljóðritunartæki“ kemur: hljóðupptökutæki og í stað „hljóðvarpstæki“ kemur: hljóðflutningstæki, en það orð er fyrir í fyrirsögninni á 92. kafla. Þá er þessu bætt við í fyrirsögnina: segulmögnuð mynda- og hljóðupptökutæki og mynda- og hljóðflutningstæki fyrir sjónvarp.

- Um 46. a. Nýtt skýringaratriði við athugasemd 1 d við 90. kafla.  
c. Nánari skýring á vörum, sem teljast til nr. 90.28.
- Um 48. a. Tilsvarandi breyting á fyrirsögninni á 92. kafla og fyrirsögninni á XVIII. flokki í 45. lið.  
c. Bæði í vöruliðinn sjálfan nr. 92.11 og í undirliðinn 02 við þann vörulið kemur: tæki fyrir segulupptöku og segulendurskil á hljóði og myndum fyrir sjónvarpsstarfsemi. Undirliðurinn 02 verður með 35% tolli, eins og segultækin fyrir sjónvarpið sjálft hafa verið og því engin tollbreyting. Eftir breytinguna á 02 koma hljóðupptökutæki og bandspilarar, sem voru í þeim undirlið og eru til annars en sjónvarpsstarfsemi, í undirliðinn 09 með 75% tolli, eins og er af þessum tækjum nú.  
d. og e. Nýjar uppsetningar á nr. 92.12 og 92.13.
- Um 50. b. Ný uppsetning á nr. 94.04 og taldar upp fleiri vörur, sem nú koma þar undir safnorð.
- Um 52. b. og c. Ný uppsetning á nr. 98.07 og í stað „og“ í nr. 98.13 kemur: eða.

#### Um 2. gr.

- Um 1. Visast til umsgagnar um 8. lið 1. gr.
- Um 2. Visast til B-liðs 1 í hinum almennu athugasemdum.

#### Um 3. gr.

- Um 1. Ákvæðin í 1. og 2. málsg. 5. gr. tollskrárlaganna, eins og hún verður eftir breytinguna, eru tekin eftir (1) og (2) í 1. gr. Verðskýrgreiningarinnar á fylgiskjali I með Samþykttinni um verðákvörðunina á fylgiskjali I við frumvarpið.  
Innflutningsstaður er ákveðinn í 3. málsg. í samræmi við það, sem á undan er komið.
- Um 2. Ákvæðin í 1. málsg. 6. gr. tollskrárlaganna, eins og hún verður, eru tekin eftir athugasemd 2 í Athugasemdunum við Verðskýringuna.  
Í 2. málsg. 6. gr. eru tekin ákvæði úr núgildandi 6. gr. tollskrárlaganna um þau tilvik, að vara er send lengra en til fyrstu tollhafnar, er hægt hefði verið að afferma hana, eða afferma þarf farm á fleiri stöðum. Ákvæði þessi verða að gilda áfram.  
Ákvæðin í 3. málsg. 6. gr., eins og hún verður, eru tekin eftir 3. gr. Verðskýrgreiningarinnar. Þó að ekki hafi enn verið sett hér lög um mynsturvernd, er þó gert ráð fyrir henni í ákvæðunum í 3. málsg. 6. gr.
- Um 3. Ákvæðin í 1. málsg. 7. gr. eru tekin eftir 2. gr. Verðskýrgreiningarinnar.  
Ákvæðin í 2. og 3. málsg. 7. gr. eru tekin eftir núgildandi ákvæðum 6. og 7. málsg. núgildandi 5. gr. tollskrárlaganna, sem eru í samræmi við 1. málsg. 139. gr. dönsku tolllaganna um sama efni.  
Ákvæðin í 4. málsg. 7. gr. eru tekin eftir 2. málsg. 139. gr. dönsku tolllaganna.
- Um 4. Ákvæðin í 8. gr. koma í stað núgildandi 7. gr. tollskrárlaganna að því er varðar afslætti. Önnur ákvæði í greininni skýra sig sjálf.  
Núgildandi ákvæði í 9.—14. gr. A-liðar II. kapitula tollskrárlaganna um verðtollun eru látin halda sér, enda raskar Brüsselverðskýrgreiningin ekki gildi þeirra og þau eru nauðsynleg eftir sem áður. Ákvæðin í 11. gr. um gengi eru í samræmi við athugasemd 4 í Athugasemdinni við Verðskýrgreininguna.

#### Um 4. gr.

Yfirlýsingarformálanum er breytt vegna hins breyttra tollverðs, og jafnframt er gert ráð fyrir því, að formálinn geti bæði verið í aðflutningsskýrslu eða á vörureikningi, en víða erlendis, t. d. í 5. lið 152. gr. dönsku tolllaganna og við framkvæmd hennar, á formálinn, þó aðeins varðandi reikninginn sjálfan, að vera á honum

en ekki í aðflutningsskýrslunni, eins og nú er hjá okkur. Af sama toga er spunníð, einnig eftir erlendri fyrirmynd, t. d. 4. lið 152. gr. dönsku tolllaganna, að viðtakandi afhendi vörureikning með árituðum tollflokkum og tollverði umreiknuðu í mynt móttökulandsins.

Um 5. gr.

Gert er ráð fyrir 3 breytingum á 19. gr. tollskrárlaganna.

Um 1. Til þess að það komi enn betur fram við hvaða sendingu vörureikningur á, er það gert að skyldu, að tilgreina þann dag, sem sending er afhent til flutnings áleiðis til Íslands og með hvaða farartæki.

Um 2. Oft er talað um „tvöfalda“ vörureikninga og því er fyrsti yfirlýsingar- og 3. liðurinn látinn taka til þess, að aðeins einn vörureikningur sé gefinn út yfir allar þær vörur, sem séu í sendingu með tilgreindu farartæki.

Þá kemur markaðsverð fyrir heildsölu, sem miðað er við eftir núgildandi tollverðsreglum, og sé ekkert markaðsverð fyrir hendi, skal sendandi tilgreina framleiðsluverð eða áætlað notagildi.

Um 6. gr.

Breytingin á 25. gr. leiðir af breyttri orðanotkun.

Um 7. gr.

Sams konar ákvæði og hér um ræðir var í 21. gr. hinna eldri tollskrárlaga, en var fyrir vangá ekki tekið upp í tollskrárlögin 1963. Reynslan hefur sýnt, að þetta ákvæði er ekki síður nauðsynlegt en ákvæðið um úrskurðarvaldið um tollflokkun, sem er fyrir í greininni.

Um 8. gr.

Leiðir af breytingunni í 4. gr.

Um 9. gr.

Vegna hinna miklu textabreytinga og lagfæringa, sem með samþykkt þessa frumvarps verða á fyrirsögnum, flokkum, köflum og númerum tollskrárinnar, þó ekki á tollum, hefur hagstofustjóri óskað eftir því vegna verzlunarskýrslna og annarra þeirra hagskýrslna um innflutning, sem miðast við áraskipti, að gildistaka laganna sé bundin við áramót.

Þá er nauðsynlegt vegna hinna miklu breytinga, sem verða, að tollskrárlögin í heild verði felld saman og einnig komi þar með aðrar breytingar, sem samþykktar kunna að verða á tímabilinu til áramóta.

#### Fylgiskjal I með frumvarpinu.

##### **Samþykkt um verðákvörðun vara við tollútreikning.**

Undirrituð í Brüssel þann 15. desember 1950.

Ríkisstjórnir þær, sem undirritað hafa samþykkt þessa, óska eftir því að auðvelda alþjóðleg viðskipti, alþjóðasamninga um tollamál og samanburð á tölfræðilegum skýrslum um milliríkja viðskipti, þar eð slíkur samanburður reynist nákvæmari, ef hann byggist á samræmdri verðákvörðun vara við tollútreikning.

Ríkisstjórnir þessar eru sannfærðar um að sem víðtækust samræming á verðákvörðunum vara við tollútreikning muni verða mikilvægt spor í áttina að slíku markmiði.

Þessar sömu ríkisstjórnir hafa tekið tillit til þess starfs, sem þegar hefur verið unnið í Brüssel á þessu sviði af hálfu hinnar evrópsku tollrannsóknarsamvinnunefndar, og lita jafnframt svo á, að árangursríkasta leiðin til þess að ná árangri á þessu sviði sé í því fólgin að gera alþjóðasamþykkt hér að lútandi.



- (e) að leggja fyrir ráðið tillögur um hverjar þær breytingar, sem nefndin telur æskilegt að gerðar verði á ákvæðum þessarar samþykktar;
- (f) að fara með það vald og sjá um þær aðgerðir, sem ráðið að öðru leyti kann að fela nefndinni og varða verðákvörðun vara við tollútreikning.

#### 7. gr.

- (a) Tollverðsnefnd skal koma saman til fundar að minnsta kosti þrisvar á ári hverju.
- (b) Nefndin skal sjálf kjósa sér formann og einn eða fleiri varaformenn.
- (c) Nefndin skal sjálf setja sér starfsreglur samkvæmt ákvörðun, sem hlotið hefur stuðning að minnsta kosti tveggja-þriðju hluta.

#### 8. gr.

Fylgiskjöl þau, sem eru með samþykkt þessari, skulu teljast vera óaðskiljanlegur hluti hennar og skal sérhver tilvitnun til samþykktarinnar einnig talin fela í sér tilvitnun til fylgiskjalanna.

#### 9. gr.

Samningsaðilarnir samþykkja ákvæði þau, sem felast í bókun þeirri, er fylgir samþykkt þessari um sérstaka aðferð við tollun vara, sem taldar eru í 30. kafla og í tollskrárnúmeri 33.06 í vörunafnaskrá þeirri, sem fylgir samþykkt þeirri um nafnanotkun við flokkun vara í tollskrá, sem lögð var fram til undirritunar í Brüssel á sama degi og þessi samþykkt.

#### 10. gr.

- (a) Við gildistöku þessarar samþykktar falla úr gildi allar þær skuldbindingar, sem í gildi hafa verið milli samningsaðila samkvæmt ákvæðum annarra alþjóðasamninga, að svo miklu leyti, sem þær brjóta í bága við ákvæði þessarar samþykktar.
- (b) Ákvæði þessarar samþykktar skulu ekki draga úr gildi þeirra skuldbindinga, sem eitthvert samningsríki kann að hafa tekizt á hendur samkvæmt sérhverjum öðrum alþjóðasamningi, áður en samþykkt þessi gekk í gildi, að því er tekur til samskipta þess við sérhverja þá ríkisstjórn, sem ekki er aðili að samþykkt þessari. Samningsaðilar skulu, samt sem áður og svo skjótt sem unnt er, og að minnsta kosti við endurnýjun slíkra samninga, gera ráðstafanir til þess að á þeim verði gerðar þær breytingar, sem nauðsynlegar mega teljast til þess að ákvæði þeirra séu í fullu samræmi við ákvæði þessarar samþykktar.

#### 11. gr.

- (a) Leitast skal við af fremsta megni að finna lausn á sérhverri deilu, sem kann að rísa milli tveggja eða fleiri samningsaðila varðandi túlkun eða framkvæmd ákvæða þessarar samþykktar, með samningum þeirra í milli.
- (b) Sérhverri þeirri deilu, sem ekki fæst lausn á með samningum, skulu deiluaðilar vísa til tollverðsnefndar, sem skal taka deiluna til yfirvegunar og gera tillögur um lausn hennar.
- (c) Ef tollverðsnefndin getur hins vegar ekki fundið lausn á deilunni, skal hún vísa málinu til ráðsins, er skal gera tillögur um lausn deilunnar í samræmi við ákvæði stafliðs (e) í 3. gr. samþykktarinnar um stofnun ráðsins.
- (d) Samningsaðilum, sem í deilu eiga, skal heimilt að koma sér saman um það fyrirfram, að tillögur nefndarinnar eða ráðsins um lausn deilu skuli vera bindandi fyrir þá.

#### 12. gr.

Samþykkt þessi skal liggja frammi til 31. marz 1951 til undirskriftar af hálfu sérhverrar ríkisstjórnar, sem hefur undirritað samþykktina um stofnun ráðsins.

13. gr.

- (a) Samþykkt þessi skal vera háð fullgildingu.
- (b) Fullgildingarskjölin skulu afhent utanríkisráðuneyti Belgíu, sem skal tilkynna sérhverja slíka afhendingu fullgildingarskjala öllum þeim ríkisstjórnnum, sem hafa undirritað samþykktina og gerzt aðilar að henni, svo og aðalframkvæmdastjóranum. Hins vegar skal engri ríkisstjórn heimilt að afhenda skjöl um fullgildingu þessarar samþykktar nema hún hafi áður afhent skjöl sín um fullgildingu sína á samþykktinni um stofnun ráðsins.

14. gr.

- (a) Þremur mánuðum frá þeim degi að telja, er utanríkisráðuneyti Belgíu hefur tekið á móti fullgildingarskjölum frá sjö ríkisstjórnnum, skal samþykkt þessi öðlast gildi að því er tekur til þessarar sömu ríkisstjórna.
- (b) Þá skal samþykktin öðlast gildi fyrir hverja þá ríkisstjórn, sem undirritar hana og fullgildir síðar en fram er tekið í næsta staflíð hér á undan, þegar þrjú mánuðir eru liðnir frá þeim degi að telja, er sú hin sama ríkisstjórn afhenti utanríkisráðuneyti Belgíu fullgildingarskjöl sín.

15. gr.

- (a) Ríkisstjórn þess ríkis, sem ekki hefur undirritað þessa samþykkt, en sem hins vegar hefur fullgilt eða gerzt aðili að samþykktinni um stofnun ráðsins, getur gerzt aðili að samþykkt þessari frá 1. apríl 1951 að telja.
- (b) Skjöl um aðild að samþykkt þessari skulu afhent utanríkisráðuneyti Belgíu, sem skal tilkynna sérhverja slíka afhendingu öllum þeim ríkisstjórnnum, sem hafa undirritað samþykktina og gerzt aðilar að henni, svo og aðalframkvæmdastjóranum.
- (c) Samþykkt þessi öðlast gildi fyrir hverja þá ríkisstjórn, sem gerizt aðili að henni, þegar þrjú mánuðir eru liðnir frá þeim degi að telja, er hún afhenti aðildarskjöl sín, en þó eigi fyrr en hún öðlast gildi samkvæmt ákvæðum 14. gr. (a).

16. gr.

- (a) Samþykkt þessi gildir í ótakmarkaðan tíma, en hvenær sem er, eftir að liðin eru fimm ár frá því að hún öðlast gildi samkvæmt ákvæðum 14. gr. (a), skal sérhverjum samningsaðila heimilt að segja samþykkt þessari upp. Slík uppsögn skal öðlast gildi þá eitt ár er liðið, frá þeim degi að telja, er utanríkisráðuneyti Belgíu tók á móti tilkynningu um slíka uppsögn. Utanríkisráðuneyti Belgíu skal senda tilkynningu um hverja slíka uppsögn öllum þeim ríkisstjórnnum, sem hafa undirritað og öðlast aðild að samþykktinni, svo og aðalframkvæmdastjóranum.
- (b) Sérhver samningsaðili, sem ekki er lengur aðili að samþykktinni um stofnun ráðsins, er þar með ekki lengur aðili að samþykkt þessari.

17. gr.

- (a) Sérhverri ríkisstjórn skal vera heimilt, þegar hún fullgildir samþykkt þessa, eða gerist aðili að henni, eða hvenær sem er að því búnu, að lýsa því yfir með skriflegri tilkynningu til utanríkisráðuneytis Belgíu, að samþykkt þessi skuli taka til sérhverra þeirra landssvæða, er hún fer með utanríkismál fyrir. Þremur mánuðum eftir að utanríkisráðuneyti Belgíu hefur mótttekið slíka tilkynningu skal samþykktin taka til þeirra landssvæða, sem þar eru tilgreind, en þó eigi fyrr en samþykktin öðlast gildi fyrir þá ríkisstjórn, sem í hlut á.
- (b) Sérhverri þeirri ríkisstjórn, sem hefur sent frá sér tilkynningu samkvæmt ákvæðum staflíðs (a) hér að framan þess efnis, að samþykkt þessi taki til einhvers þess landssvæðis, sem hún fer með utanríkismál fyrir, skal heimilt að lýsa því yfir, með tilkynningu til utanríkisráðuneytis Belgíu, að samþykktin taki ekki lengur til slíks landssvæðis, í samræmi við ákvæði 16. gr.



- (c) Utanríkisráðuneyti Belgiu skal tilkynna öllum þeim ríkisstjórnnum, sem hafa undirritað og gerzt aðilar að samþykktinni, svo og aðalframkvæmdastjórnnum, um hverja þá tilkynningu, sem það hefur móttengið samkvæmt ákvæðum þessarar greinar.

18. gr.

- (a) Ráðinu skal heimilt að gera tillögur til samningsaðila um breytingar á samþykkt þessari.
- (b) Sérhvert það aðildarríki, sem samþykkir breytingu, skal tilkynna það skriflega til utanríkisráðuneytis Belgiu, en utanríkisráðuneytið skal síðan tilkynna öllum þeim ríkisstjórnnum, sem hafa undirritað og gerzt aðilar að samningnum, svo og aðalframkvæmdastjórnnum, um móttöku slíkrar tilkynningar.
- (c) Breyting á ákvæðum þessarar samþykktar skal öðlast gildi, þegar þrjú mánuðir eru liðnir frá því að utanríkisráðuneyti Belgiu hefur tekið á móti tilkynningu frá öllum samningsaðilum þess efnis, að þeir séu breytingunni samþykkir. Hvenær sem einhver breyting hefur hlotið samþykkt allra samningsaðila, skal utanríkisráðuneyti Belgiu senda öllum þeim ríkisstjórnnum, sem hafa undirritað og öðlast aðild að samþykktinni, svo og aðalframkvæmdastjórnnum, tilkynningu um slíkt samþykki og jafnframt hvaða dag breytingin öðlast gildi.
- (d) Eftir að breyting hefur öðlast gildi, má engin ríkisstjórn fullgilda eða öðlast aðild að samþykkt þessari, nema hún jafnframt samþykki breytinguna.

Þessu til staðfestu hafa undirritaðir, með fullu umboði ríkisstjórna sinna, ritað nöfn sín undir samþykkt þessa.

Gert í Brüssel hinn 15. dag desembermánaðar 1950, á ensku og frönsku, og skulu báðir textar vera jafngildir. Samþykktin er gerð í einu frumriti, sem ríkisstjórn Belgiu ber að varðveita í skjalasafni sínu, og skal hún jafnframt láta hverri þeirri ríkisstjórn, sem hefur undirritað og gerzt aðili að samþykktinni, í té staðfest eftirrit af henni.

Fylgiskjal I með samþykktinni.

**Verðskýrgreiningin.**

1. gr.

(1) Þegar leggja skal toll á vöru, sem flutt er inn til notkunar í innflutningslandinu, skal verðmæti hennar teljast vera normalverð hennar, það er að segja það verð, sem myndi fást fyrir vöruna á frjálsum markaði í viðskiptum kaupanda og seljanda, sem eru hvorir öðrum óháðir, á þeim tíma, sem varan er tekin til tollmeðferðar.

(2) Við ákvörðun normalverðs sérhverrar innfluttrar vöru skal miða við þau atriði, sem hér segir:

- (a) að vörurnar séu afhentar kaupanda í innflutningshöfn eða á innflutningsstað í innflutningslandinu; og
- (b) að seljandi beri allan kostnað, gjöld og útgjöld við sölu og afhendingu vörunnar í innflutningshöfn eða á innflutningsstað; en
- (c) að kaupandinn greiði alla tolla og önnur gjöld, sem falla á vöruna í innflutningslandinu.

2. gr.

(1) Sala á frjálsum markaði milli kaupanda og seljanda, sem eru óháðir hvor öðrum, skal miðast við það, sem hér segir:

- (a) að verðið sé eina endurgjaldið fyrir vöruna; og
- (b) að það hafi ekki áhrif á verðið, að sérstakt samband, fjárhagslegt, viðskiptalegt eða einhvers annars eðlis, hvort heldur er samkvæmt samningi eða á einhvern annan hátt, sé á milli seljanda eða einhvers aðila í viðskiptalegum tengslum við hann, annars vegar, og kaupandans eða einhvers aðila í viðskipta-

- legum tengslum við hann, hins vegar (annað en það samband, er orðið hefur til vegna sölu þeirrar vöru, sem í hlut á); og
- (c) að enginn hluti þess arðs, sem orðið hefur til við síðari endursölu, notkun eða ráðstöfun vörunnar, falli í hlut seljanda, beint eða óbeint, eða til nokkurs annars aðila, sem stendur í sérstöku viðskiptalegu sambandi við hann.
- (2) Tveir aðilar skulu taldir standa í sérstöku viðskiptalegu sambandi hvor við annan, beint eða óbeint, ef annar þeirra hefur einhverra hagsmuna að gæta í sambandi við viðskiptarekstur eða eignir hins, eða ef báðir hafa sameiginlegra hagsmuna að gæta í sambandi við einhvern annan viðskiptarekstur eða eignir, eða ef einhver þriðji aðili hefur hagsmuna að gæta í sambandi við viðskiptarekstur eða eignir þeirra beggja.

### 3. gr.

- (a) Þurfi að ákveða verð vöru, sem framleidd er samkvæmt uppfyndingu, sem nýtur einkaleyfisverndar, eða vöru, sem hefur skrásett mynstur, eða
- (b) sem er innflutt með erlendu vörumerki, eða flutt inn til þess að seljast með erlendu vörumerki,
- skal telja í normalverðinu verðmæti réttarins til þess að nota einkaleyfið, mynstrið eða vörumerkið.

## Fylgiskjal II með samþykktinni.

### Athugasemdir við verðskýrgreininguna.

#### Viðauki við 1. gr.

#### Athugasemd 1.

Þar sem í 1. gr. tölulið (1) segir „á þeim tíma, sem varan er tekin til tollmeðferðar“, má það samkvæmt ákvæðum í lögum hvers lands um sig, annað hvort taka til þess tímamarks, þegar innflutningsskýrsla er afhent eða skrásett, þegar tollur er greiddur eða þegar varan er tollafgreidd.

#### Athugasemd 2.

„Kostnaður, gjöld og útgjöld“ þau, sem tilgreind eru í 1. gr. tölulið (2) (b), skulu meðal annars taka til þess, sem hér greinir:

- flutningskostnaðar og flutningsgjalds,
- vátryggingar,
- umsýsluþóknunar,
- miðlaraþóknunar,
- kostnaðar, gjalda og útgjalda við að gefa út utan innflutningslandsins skjöl, sem þarf til þess að unnt sé að flytja vöruna inn í innflutningslandið, þar með talin gjöld til ræðsmanna:
- nettóupphæðar (eftir að tekið hefur verið tillit til endurgreiðslna, sem inntar hafa verið af hendi, eða eftir er að inna af hendi) tolla og gjalda, sem koma til greiðslu utan innflutningslandsins;
- kostnaður umbúða, að frátöldum þeim umbúðum, sem teljast vera sérstök vara, að því er varðar álagningu tolls; þökkunarkostnaðar (hvort heldur um er að ræða kostnað vegna vinnu, efnis eða annars);
- fermingarkostnaðar.

#### Athugasemd 3.

Þegar normalverðið er bundið við það magn, sem er selt, skal það ákveðið þannig, að sala sé sala þess magns, sem ákveða þarf verð á.

#### Athugasemd 4.

Þegar svo stendur á, að ákvörðun verðmætis eða þess verðs, er greitt hefur verið eða á að koma til greiðslu, byggist á atriðum, sem tilgreind eru í öðrum gjaldmiðli en þeim, sem gildir í innflutningslandinu, skal umreikna hinn erlenda gjaldmiðil í gjaldmiðil innflutningslandsins samkvæmt því opinbera gengi, sem gildir í því landi.

#### Athugasemd 5.

Tilgangurinn með verðskýrgreiningunni er sá, að gera það mögulegt, að reikna toll þann, er koma á til greiðslu, ávallt út á grundvelli þess verðs, sem sérhver kaupandi getur fengið innflutta vöru keypta á hindrunarlaust á frjálsum markaði í innflutningshöfn eða á innflutningsstað í innflutningslandinu. Hugtakið má nota almennt og því má beita eins, þótt varan sé í raun og veru flutt inn samkvæmt sölusamningi og hverjir sem skilmálar slíks samnings kunna að vera.

Notkun skýrgreiningarinnar leiðir aftur af sér rannsókn á gangverði vöru á þeim tíma, sem verðákvörðunin á sér stað. Í reynd verður þessu því þannig varið, að þegar sala innfluttrar vöru á sér stað í góðri trú, má venjulega líta svo á, að verð það, sem greitt hefur verið eða greiða á fyrir hana, sé gildur mælikvarði um normalverð það, sem nefnt er í skýrgreiningunni. Þar sem þessu er þannig varið, má með sanngirni nota verð það, sem greitt hefur verið, eða greiða á, sem grundvöll til ákvörðunar á verðmæti vörunnar, og er lagt til við töllyfirvöld, að þau viðurkenni þetta verð sem verðmæti þeirrar vöru, sem um er að ræða, að því tilskildu þó:

- að hæfilegum varúðarráðstöfunum megi beita, er miði að því að koma í veg fyrir tollsvik af völdum tilbúinna eða vafasamra samninga eða verðs; og
- að gera megi þær leiðréttingar á samningsverðinu, er teljast mega nauðsynlegar sökum aðstæðna, sem valda því, að samningurinn byggist ekki á þeirri fræðilegu reglu, er felst í skýrgreiningunni á verðmæti.

Leiðréttingar samkvæmt tölulið (b) hér að framan, geta sérstaklega komið til álita í sambandi við flutningsgjöld og aðra kostnaðarliði, sem taldir eru í 1. gr. tölulið (2), og athugasemd 2 í viðauka við 1. gr., svo og í sambandi við afslátt eða aðrar verðlækkanir, sem veittar hafa verið einkaumboðsmönnum eða þeim, sem hafa einir á hendi sölu og dreifingu vörunnar, svo og í sambandi við sérhvern óeðlilegan afslátt eða sérhverja lækkan á venjulegu samkeppnisverði.

#### Viðauki við 3. gr.

##### Athugasemd 1.

Ákvæði 3. gr. (b) má einnig beita við vöru, sem inn er flutt og selja á með erlendu vörumerki eftir frekari vinnslu hennar.

##### Athugasemd 2.

Heimilt skal að færa út ákvæði það, sem felst í 3. gr. staflið (b), eða eins og það kann að vera, er því hefur verið breytt samkvæmt athugasemd 1. hér á undan, á þann veg, að það taki ekki til vörumerkis, sem skrásett er í innflutningslandinu, nema því aðeins að það sé vörumerki, sem nota skal í þeim tilgangi að gefa til kynna að vörur þær, sem merkið er notað á, heyri til þeim aðilum, er hér greinir:

- a) sérhverjum þeim aðila, sem hefur ræktað, framleitt, unnið að og valið vöru þá, sem meta á til verðs, boðið hana til sölu eða séð á annan hátt um meðferð á henni utan innflutningslandsins; eða
- b) aðila, sem stendur í viðskiptasambandi við hvern þann, sem tilgreindur er í staflið (a) hér á undan; eða
- c) aðila, sem einhver þeirra, sem tilgreindir eru í staflið (a) og (b) hér á undan, hefur látið í té þá viðskiptavild, sem tengd er notkun vörumerkis.

#### Almennur viðauki.

Mælt er með því, að hugtakið verðmæti, eins og það er tilgreint í skýrgreiningunni og þessum skýringarathugasemdum, verði notað við verðákvörðun allra vara, sem gefa þarf tollskýrslu um, þar með taldar tollfrjálsar vörur og vörur þær, sem greiða skal af sérstök innflutningsgjöld.

#### Fylgiskjal III með samþykktinni.

**Bókun um sérstaka tollmeðferð vara, sem teljast til 30. kafla og nr. 33.06 í nafnaskránni við flokkun vara í tollskrá.**

Þær þjóðir, sem hafa undirritað samþykktina um verðákvörðun vara við tollútreikning (kölluð Samþykktin hér á eftir), hafa við undirskrift Samþykktarinnar orðið sammála um eftirfarandi:

1. Þær þjóðir, sem hafa undirritað Samþykktina og við gildistöku hennar viðhafa tollmeðferð byggða á smásöluverði varanna innanlands í stað normalverðs, mega áfram nota þessa tollunaraðferð varðandi eftirgreindar vörur, það er:
  - a) lyfjavörur, sem teljast til 30. kafla í viðaukanum við Samþykktina um nafnotkun við flokkun vara í tollskrá, eða
  - b) ilmvötn, snyrti- og hreinlætisvörur, sem teljast til nr. 33.06 í sama viðbæti.
2. Hlutaðeigandi ríkisstjórnir viðurkenna jafnframt þýðingu þess að koma tollmeðferð nefndra vara í samræmi við reglur Samþykktarinnar og gera það eins fljótt og hægt er.
3. Þessi bókun öðlast gildi sama dag og Samþykktin. Þessu til staðfestu hafa undirritaðir, sem hafa fullt umboð ríkisstjórna sinna, undirritað þessa bókun.

Gjört í Brüssel 15. desember 1950 á ensku og frönsku, báðir textar jafngildir, í einu eintaki, sem skal varðveita í skjalasafni ríkisstjórnar Belgíu, sem skal senda staðfest eftirrit af því til þeirra ríkisstjórna, sem undirrita og gerast aðilar að Samþykktinni.